

玉海

辭學指南

三十



千畝孝明正光

于帝城東南作祠壇陸二頃設壇於阡

東陌北天保二年正月辛亥初後周元年正

月癸亥明帝二年正月辛亥正帝保定二年正月乙

亥天和元年正月己亥二年正月己亥建德三年正

月乙亥親耕隋制於國南十四里啓夏門外置壇

播植九穀納于神倉以擬梁成一江總勞酒賦遵執

爵之典降食華之燕奏帝鴻之萬舞動鈞天之九變



齊永甲寅籍田畢辛閱武堂勞酒小會

賜帛

**齊志**何誣之議鄭注云元辰蓋郊後吉亥也  
何佟之議丁亥自是祭祀之日不專施於先農漢  
用此日耕藉祠先農故後王始承用之顧暉之議昭  
帝癸亥耕弄田明帝癸亥耕下邳晉書乙亥耕定陶  
又辛丑耕懷魏之烈晉書辛未不繫一辰

梁籍田省

**隋禮志**大同五年又齊零壇公籍田兆內自新崇則  
齋官寄藉田省云紀晉通二四月召凶平  
作義不在南可以

籍田頌

**紀**正觀三年正月癸亥耕藉田三月丁

亥耕藉田儀鳳二年正月乙亥耕藉田六年元年

正月戊子濟辛溘東耕藉田乙丑大赦元太極

開元十九年正月丙子耕于興慶宮龍池親耕三石

餘步開元二十三年正月乙亥耕藉田大赦賜勳

爵乾元二年正月戊寅耕藉田御樂志皇帝孟

春吉亥享先農遂以耕藉前享一日奉禮設御座於

壇東面向又設御耕藉位於外壝南門之外尚舍設

御耒席皇帝已享乃以耕根車載耒耜於御者間

耕藉

帝乘車自行宮降大次乘黃令以耒耜授廩犧令白  
帝出就耕位廩犧令解韜出來司農卿進受之以授  
侍中奉以進皇帝受之耕三推皇帝初耕執耒者皆  
以耒耜授侍耕者皇帝耕止三公諸王耕五推尚書  
卿九推皇帝還入大次太常卿帥其屬耕于千畝皇帝  
還宮明口頒勞酒於大極殿如元會不賀不為壽藉  
田之穀斂而鍾之神倉以擬梁成及五之三酒穰藁  
以食牲藉田祭先農唐初為帝社亦曰藉田壇正觀  
三年太宗將親耕給事孔穎達三禮子藉田  
諸侯東郊今亦出果壇

秩東作而青輅奠耜順管

宜於東郊乃耕於東郊岳拱中石改藉壇曰先

農壇高五尺周四丈神龍元年禮部尚書孔頴達明議

曰周頌載芟春藉田而祈社稷禮天子藉千畝諸

侯百畝則緣田為社曰土社侯社今日先農失王社

之義宜正名為帝社太常少卿韋叔夏博士張齊賢

等奏經無先農禮曰王自為立社曰王社先農以為

在藉田也永徽中猶曰藉田垂拱後乃為先農與社

一神今先農壇請改曰帝社壇以合古王社之義其

祭准令以孟春吉亥祠后土以勾龍氏配於是立帝

社壇又立稷壇於西如太社太稷而壇不設方色以異於太社開元十九年停后稷祀神農氏於壇上配以后稷二十三年親祀神農於東郊配以勾芒遂躬耕耒墾止肅宗乾元二年詔耒耜雕刻命有司改造之曰田器朴素豈貴文飾天子出通化門釋耒而入壇遂祭神農氏以后稷配冕而朱紘躬九推焉

**舊紀**乾元二年正月戊寅有事于藉田耕藉田乙卯上行九推禮官奏太過曰朕勸農率下所恨不終千畝

耳禮畢雪盈尺會要正觀二上月十日詔曰

復千畝於近郊復二推於舊制一十日親

藉于千畝之甸自晉南遷北禮廢始行

觀者駭躍祕書郎岑文本獻藉以羨之章戴記

先農躬御耒耜率公卿耕于千畝之甸舊紀景雲

三年即正天正月十八日戊子親耕于藉田己丑改

元太極開元二十三年正月十八日親祀先農禮畢

降至耕位侍中執耒太僕垂轡上謂左右曰帝藉之

禮古則三推朕今九推庶九穀之報也其年十一月

十六日親祀神農於東郊以后稷配親執耒耜而九

推焉六典注開元二十三年正月上親耕于洛陽東

門外 時學士王仲丘請行藉田之禮

### 唐藉田賦

**會要**儀鳳二年正月乙亥十一日親耕藉田於東郊禮畢作藉田賦以示羣臣三年五月幸藉田所觀區種手種數區祭先農樂章三奏豐和之舞二變顯慶三年洗馬郭瑜撰

### 唐藉田儀注

**會要**開元二十三年正月敕中書令張九齡光祿卿韋縚與禮官就集賢院撰藉田注**通典**開元二年二月祀先農畢躬秉耒耜二千畝之甸時有

是儀注天子三推公卿九推庶人終畝元宗

重勸耕藉進耕五十餘步其儀崇開元禮

### 唐元和藉田東郊儀

**志**憲宗元和五年詔以來歲正月藉田太常脩撰韋公肅言藉田禮廢久矣有司無可攷乃據禮經參采開元乾元故事為先農壇於藉田高五尺廣五丈四出陛其色青草具其儀以水旱用兵而止

### 會要元

和五年十月丁亥詔取來年正月十六日東郊藉田勅有司脩撰儀注十一月九日丙午停藉田

### 韋公

**肅傳**元和初憲宗將耕藉詔公肅草具儀典容家

之五年以河朔師旅之後物力彫耗將行而止

### 雍熙藉田耒耜

雍熙四年十一月四日禮儀使言御耒耜二具并緇並飾以青准乾元故事其制如農人所執者不加彫飾事畢內中尚收之載以耕根車在玉輅前明道二年藉田有司求太宗所御耒耜準其制以造作而青綾緇依然如新於是即用舊緇不復更造二月丁未肆赦首言太宗親耕耒耜勅有司嚴密祕護以表崇奉之意實錄云令太僕寺祕藏之明道二年正月二十五日

使以製成御耒耜青箱寺奏御二月九日齋天

卷七十六

其翌日乘玉輅適耕所司農卿以耕根車載耒耜前行十一日祀畢指圭秉耒三推侍中前授耒耜於司農卿卿授廩犧令令復耒於緇以授侍耕者青箱舊無其制用竹木為之無蓋兩頭設襻飾以青中分九隔隔設一種覆以青帊隋書藉田令以青箱種稔之種跪呈司農詣耕所曬之唐不行此禮

端拱藉田 藉田儀注 先農壇

### 觀耕臺

雍熙四年九月二十七日辛巳出御札曰王者上事穹倉下臨黎獻遵執古御今之道推子民育物之心



必務穡以勸分庶家給而人足朕嗣守大寶惟懷永  
圖發一言必念生靈嘗一膳必思稼穡雖燔柴告類  
紫壇屢薦於至誠而執耒親耕青輅未行於盛禮其  
以來年正月擇日有事于東郊行藉田之禮宜令所  
司詳定儀注以聞是禮廢之久矣制下之日中外歡  
洽二十八日以宰臣李昉為大禮使陳王元僖為橋  
道頓遞使翰林學士宋白為禮儀使賈黃中為鹵簿  
使御史中丞張宏為儀仗使仍命白黃中與蘇易簡  
詳定儀注十月一本十一月詳定所言按通典乘青輅  
耒耜者所以順春氣其方位請在東郊又北齊作

上高九尺廣輪三十六尺四陛三壝四門唐制志

五尺周廼四十步飾以青今請於朝陽門七里之外  
十五里之內擇地為壇壇高九尺周壝四十步飾以  
青特詔設兩壝外壝在大次及  
御耕位觀耕臺樂垂之外十五日禮儀使宋齊  
言舊禮於先農壇東立觀耕臺帝親耕禮畢登此臺  
以觀公卿推請築臺高五尺以便陟降周圍四十步  
四出陛飾以青皇帝乘玉輅以耕根車載耒耜以青  
箱奉種種之種從之十一月二十七日學士院上東

郊青城殿門名前殿曰兩儀後殿曰延慶大殿門曰  
龍德左掖門曰光天右掖門曰麗天東門曰鳳陽西

門曰安福南門曰耕莘北門曰玄英東西廊門曰日  
華月華後園亭門曰會芳御幄後門曰福慶五年正  
月十五日癸酉上宿齋于乾元殿甲戌鸞駕出宮備  
大駕鹵簿於丹鳳門外帝服通天絳紗執圭乘玉輅  
次東郊是夜宿齋室乙亥十七未明三刻帝服袞冕  
執鎮圭親享神農氏於壇上以后稷配焉禮畢次詣  
耕藉位御耕位行三推之禮有司版奏禮畢帝謂  
侍臣曰朕志在勸農恨不能終千畝豈止於三推為  
限乎遂耕數十步侍臣固請乃止又御觀耕臺南鄉  
觀王公耕訖侍中奏禮畢解嚴還行宮百官稱賀

玉海卷七十六

二八

以街大輦服通天絳紗鼓吹振作而還御乾元門  
陔一作丹鳳樓之輿至樓前陔采茨陔制曰豈惟備  
郊廟之粢盛抑亦勵蒸黎之播殖改五年為端拱元  
年丙子叶八上賦東郊藉田五七言詩各一首賜侍  
臣二月七日贈宴百官于大明殿行勞酒禮甲午群  
臣獻詩賦贊頌者五十三人其後淳化稼穡有詩踏  
犁有式淳化元年五月二十三日禮官請先農壇  
各封五十步為兩壇壇各五十步

舊制天子孟春

吉亥享先農於東郊親耕藉田晉之南遷此禮遂廢  
唐正觀中太宗始藉千畝至元和五年憲宗以河

耕藉

朔師旅之後物力彫耗將行而止下歷五代禮廢者二百餘年帝以承平既久詔酌舊典而行之天下聳然知勸矣四月二十三日賜耆老衣帛王元之上藉田賦曰潘安仁賦于晉岑文本頌于唐雍熙三年孔維為司業會將藉田維起周禮至唐書凡沿革制度並錄以獻觀者稱其博

明道藉田記

儀注

類事

明道二年二月十一日丁未行藉田禮罷冬至郊祀藉田所施一准郊例悉用端拱之制而加填益焉貢人自請陪位許父老縱觀勿令呵止仁宗皇帝

三傳卷七十六

一九

三修

位十一年明道元年

歲次壬申

十二月

一本十一月

二月

庚子

三詔以來歲仲春消日行耕藉之禮命有司草具儀辛丑尚書司封員外郎直集賢院王舉正太常博士直集賢院李淑與禮官詳定儀注國史志李淑耕七藉類事五卷日禮官請就端拱壇位因加修飾八日請改撰藉田樂章二十二日上之付太常習肄甲子有司新製耒

耜

二十七日學士院撰青城諸門及殿名正門為崇

禮左右為清和厚德正東為寅賓正西為西成後三門為咸寧側門為宣耀延清大殿為受禧之殿門同名殿前東西門為宣仁章義便殿為含德苑殿為臨

芳後園門為疑華越明年年二正月戊寅太史奏用二

月十一日丁未行禮直集賢院李淑等上耕藉類事

五卷庚辰詔以皇兄建雄軍節度允升攝左衛上將

軍蔣國公為祀先農亞獻彰信軍節度觀察留後允

寧攝右衛上將軍萊國公為三獻並攝行五推禮寧

國軍節度使駙馬都尉李遵等攝行九推禮二月乙

亥上御天安門閱大僕寺新置車輅二月丙午上齋

宿于東郊日傍有黃氣如龍鳳丁未服袞冕執圭祀

神農后稷於壇乃就耕位搢圭執耒行禮禮儀使張

七遜奏三推而止上曰朕既親耕不以古禮為式願

三海卷七十六

耕之終畝以勸天下之農士遜奏曰王者三推禮經

舊式皇慈勉勸度越古先請命公卿進耕以循典禮

帝曰朕志在千畝卿等固請遂耕十有二趾而止帝

升觀耕臺南面坐觀公侯等耕王公以下執耒悉過

五九之數藉田令奉種稔之種司農卿受而播之率

屬以終千畝帝受賀于受禧殿還御正陽門大赦天

下肆赦內一條云太宗皇帝親耕藉田青牛四下芳林園養之十六日賜百官福酒有差辛亥上作藉田

詩賜近臣己未命宰臣呂夷簡參政晏殊撰藉田記

三十四月夷簡殊罷五月丙子命宰臣張士遜典領

耕藉田

翰學馮元編脩直史館宋祁檢討開元故事端拱舊

章會要二年二月十一日藉田禮畢御天安殿受

冊三月二日丁卯設勞酒宴于集英殿庚午百官加

恩宋祁上頌曰丙午之旦次于帷宮淳濯圭潔昧明

乃頓犬次歛嘉壇索先農以享之因太稷以配之乃

降靈場徹朱紘紺轅儲駕洪縻序進遂推而進之幾

十發而後釋乃始弭節容與御觀耕之臺王公群后

班趨以耨邁五踰九大農灑種庶人終畝學士院

撰享先農登歌樂章其後景祐作觀稼殿皇祐作

寶岐殿景祐元年司天監校土牛經書卷去其複

三注卷七十一

重釋牛色等四篇為農事之占十月己巳命知制誥

丁度序之敘天下其牛色及執策者衣並以歲月支

干納音相配前紹端拱後遺紹興

元豐藉田圖先農壇 神倉 儀注

元豐二年紀未十月癸卯詔於京城東南度田千畝

為藉田籍公祐兼以徙先農壇於其中神倉於東南

三年十月庚辰辛公祐請下有司定耕藉儀注增修

鑽麥殿以備行幸先是五月九日王存等請以南郊

鑿麥殿前地及玉津園東諸麥地并民田共千一百

畝為耕田外以百畝建先農壇兆開阡陌溝洫建神

耕藉

倉齋宮及耕作人牛廬舍之類繪圖上之詔付禮院  
四年八月壬戌八日藉田司言九穀皆稔請修講觀  
麥視禾臨幸儀注詳見後

政和藉田儀注

八年正月辛卯禮制局上藉田儀注宣和元年正  
月乙亥躬耕帝藉會要二年二月詔曰歲二月己亥  
躬耕帝藉當攷

紹興藉田 耕藉鹵簿 儀注 觀耕壇

十五年十一月十七日詔以來歲之春祇袂青壇親  
戴黛耜躬三推之禮以風示四方從司封郎中李

三海卷七十一

澗之請也太常討論典故請宮建于行宮之南車駕

服履袍乘平輦詣思文殿進膳畢服通天絳紗行親  
耕之禮耕藉鹵簿儀仗依政和新儀用六百八十八

人閏十一月六日丁丑兵部太常以地狹請止用其

牛用三四奏可庚辰九日以宰臣檜為耕藉使十

六年正月五日禮官修定親享先農親耕儀注上之

二十二日壬辰皇帝袞冕親享先農行藉田禮推至

七至九正月初三藉田千畝二十五日乙未百官表賀二月

四日癸卯詔曰朕親耕藉田以先黎庶三推復進勞

勛耆老嘉與世俗躋于富厚先是上曰詔須語簡意

足使民曉然知厚本之意

時臨安守張澄設靈壇

御耦幄殿次舍。十五年閏十一月甲申，司農簿宋樸請令守令以歲仲春出郊勞農，遂為故事。

親耕七曲，出大次至歸大次，並用乾安亭先農宮架奏靜安之樂，儲靈錫羨之舞，三成。給田五百七十畝，餘以備親耕。十五年，初除康與之為藉田，令三十一一年罷。淳熙元年十月二十七日，復置藉田令。

自端拱至紹興親耕者四

紹興十六年正月五日，修定儀注，前期於觀耕壇上設御幄，南向。設御座於幄內，皇帝升觀耕壇，宮架樂作，樂正升自午階，登歌樂作，禮畢，耕藉使升卯階，立御幄前，西向。四方館使引陪耕耆老立壇下，北向。云：皇帝降座，登歌樂作，至壇下升輦。

三十一

三海卷七十六

十一

祥正而青旗肅事，土膏而朱紘戒典。將使杏花萑葉，耕獲不愆。清吟冷風，述遵無廢。阡陌繡錯，原隰龍鱗。蒸膏冒楸，協風回春。謹察天廟，申敕陽官。悠悠春旗，覩土于畿陽。膏澤澤邁于三推，擁耒成林。醜流降雨，陽春如膏。原隰如鱗，我稼既華。六合生雲，稻梁黍稷萬井龍文。民一于邦，家萬斯箱。甸師

清畿野廬掃路封人墳宮掌舍設極青壇嶽立翠幕  
雲布后妃獻種稷之種司農撰播殖之器御玉輦  
蔭華蓋金根照耀龍驥沛艾降靈壇撫御耦游揚  
染屨洪縻在手三推而舍庶人終畝貴賤以班或五  
或九捐夔猶以護野雜荆牛以守燎孟春之月帥  
三公九卿大夫親駕於東郊紺轅黛耜躬御帝藉三  
推一墾竣事而旋彌文濶典創見一時民大和會闡  
郭溢郭歌謳鼓舞聲聞于天在豐念匱在飫思飢  
炎帝之教后稷之功方我王度明而未融稷出  
松掖器成大農瞻榆東耒耜香開田望朱紘之光

三十九

玉海卷七十六

六

卷

聽鑿輅之音作為歌詩以告成功而繼載芟之作其  
必有日矣千畝之田三推之禮躬稼以供染盛  
所以致孝也勸穡以足百姓所以固本也能本而孝  
盛德大業至矣哉此一役也二美顯焉史奉載耜  
之禮民奏舉趾之歌千軫風行萬轡霧轉順動  
而取諸豫時行而應乎乾我疆我理必躬必親  
農扈允臧祥風發於耒耜瑞雪掩於郊廛農祥  
晨晰土膏初起春原俶載青壇致祀斂蹕長阡迴旌  
外壇親事朱紘躬持黛耜景集天廟脉壤祥農青  
壇岳立翠幕煙平百司駿奔三公肅事紺轅黛耜綠



耦朱紘 王者必藉千畝庸勸九農載御耦於介間  
脉陽膏於廛左借民之力時闢於甫田為神之倉歲  
儲於馨稷 服黛耜以天臨紆朱紘而身勸本宜一  
墾遂過九推

玉海卷第七十六

玉海卷第七十六

耕道過六耕

耕於馨稷

耕於馨稷 那登時以天臨紆朱紘而身勸本宜一

耕於馨稷 那登時以天臨紆朱紘而身勸本宜一

玉海卷第七十七

浚儀王應麟伯厚甫

禮儀

親蠶

周中春蠶北郊

禮丙宰中春詔后帥外內命婦始蠶于北郊以為祭

服歲終稽其功事注蠶于北郊婦人以純陰為尊郊必

后此親東鄉躬佐后而受獻功者比其大小麤良祭此云二月

大宰九職嬪婦化治絲枲典絲掌絲入而辨其物

內司服王后六服鞠衣注鞠衣黃桑服也色如鞠

玉海卷七十七

塵象桑葉始生月令三月薦鞠衣于先帝告桑事先

太昊之屬為疏謂季春將蠶后服之告先帝巾車

翟車注后所乘以出桑記月令季春鳴鳩拂其羽

戴勝降于桑蠶將生具曲植籩箱后妃齋戒親東鄉

躬桑禁婦女毋觀省婦使以勸蠶事蠶事既登分繭

稱絲效功以供郊廟之服注后妃親採桑示帥先天

勸養孟夏蠶事畢后妃獻繭乃收繭稅以桑為均貴

賤長幼如一以給郊廟之服注內命婦獻繭於外命婦

季夏命婦官染采祭統王后蠶於北郊以共純服

亦冕夫人蠶於北郊以共冕服夫人禮少蠶於西郊

親蠶

祭義古者天子諸侯必有公桑蠶室公桑猶近川而

為之築宮仞有三尺棘墻而外閉之及大昕之朝君

皮弁素積卜三宮夫人世婦之吉者使入蠶于蠶室

奉種浴于川桑于公桑風戾以食之歲既單矣三月初

四月初世婦卒蠶奉繭以示于君遂獻繭于夫人遂副

禕而受之用少牢以禮之及良日夫人繅三盆手遂

布于三宮夫人世婦之吉者使繅遂朱綠之元黃之

以為黼黻文章服既成君服以祀先王先公敬之至

也玉藻唯世婦命於奠繭注世婦以下蠶事畢獻

繭乃命之䟽謂世婦及命婦入助蠶畢獻繭也魯

玉藻卷七十七 三十八

語王后親織元統公侯夫人加以紘經社而賦事烝

而獻功孟子禮曰諸侯耕助以共粢盛夫人蠶繅

以為衣服公羊注后夫人親西郊采桑以共祭服

禮馬質注天文辰為馬引蠶書曰蠶為龍精月值

大火則浴其種是蠶與馬同氣故此亦仲春始蠶亦

謂浴種詩蠶月條桑書禹貢兗州貢絲穆天

子傳甲寅天子作居范宮以觀桑者乃飲于桑中命

桑虞出桑者禁暴民

漢祠先蠶 漢織室蠶 繭館 蠶官

後禮儀志永平二年三月皇后帥公卿諸侯夫人蠶

蠶

祠先蠶禮以少牢注丁孚漢儀曰皇后出乘鸞輅青羽蓋駕駟馬龍旂九旒大將軍妻參乘大僕妻御前鸞旗車皮軒闐戟雒陽令奉引亦千乘萬騎車府令設鹵簿公卿五營校尉司隸校尉河南尹妻皆乘其官車帶夫本官綬從其官屬導從皇后置虎賁羽林騎戎頭黃門鼓吹五帝車女騎夾轂執法御史在前後亦有金鉦黃鉞五將導桑于蠶宮手三盆于繭館畢還宮月令曰禁婦女無觀按谷永對四月壬子皇

王海卷七十一

二

奇

后蠶桑之日也則漢桑亦用四月漢舊儀曰春桑生皇后親桑於苑中蠶室養蠶十簿以上祠以中牢羊豕令蠶神曰苑窳婦人寓氏公主凡二神群臣妾從桑還獻於繭觀皆賜從桑者樂皇后自行凡蠶絲絮織室以作祭服祭服者冕服也天地宗廟群臣五時之服其皇帝得以作縷縫衣得以作巾絮而已置蠶官令丞諸天下官皆詣蠶室亦婦人從事故舊有東西織室作法晉后祠先蠶先蠶壇云云見晉志

輿

服志漢制皇后蠶服青上縹下貴人助蠶服純縹皇后以蠶衣為朝服宋志漢東郊非古也魏北郊依周禮也晉西郊與藉田對其方也董巴輿服志曰漢皇后桑於東郊苑中傳毅洛都賦桑宮繭館區

親蚕

制有矩后率九嬪躬勅工

荀悅申鑿曰帝耕藉田后桑蠶宮

漢親蠶

紀文帝十三年春二月甲寅詔曰朕親率天下農耕

以供粢盛皇后親蠶以奉祭服其具禮儀景帝後

二年四月詔后親桑以奉祭服為天下先王莽傳

請元后春幸繭館率皇后列侯夫人桑師古曰漢宮

闕疏上林苑有繭館蓋蠶繭之所也後紀明德皇

后置織室蠶於濯龍中前書有東織西織屬少府

魏蠶北郊

宋志魏黃初七年正月命中宮蠶于北郊韋誕親

至海卷七十七

蠶頌曰嘉柔桑之肇敷思郊廟之至敬命皇后以親

蠶俾躬桑於外坰爾乃皇英參乘塗山奉輿摠姜任

於後陳載樊衛於貳車千乘隱其雷動萬騎粲以星

敷登崇壇以正位觀休氣於朝陽步雕輦而下降手

柔條於公桑嬪妾肅以蒞事各奉職而承箱供副禱

之六服昭孝敬於烝嘗初學記隋禮志吳韋昭製

西蠶頌則孫氏亦有其禮

晉親蠶 先蠶壇 先蠶儀注

紀武帝太康九年三月丁丑皇后親蠶於西郊賜帛

各有差志周禮王后率內外命婦享先蠶于北郊

蠶

漢儀皇后親桑東郊武帝太康六年散騎常侍華嶠奏先王之制天子親耕后夫人躬蠶今蠶禮尚缺宜依古式備斯盛典華嶠傳奏脩蠶宮之禮詔曰今藉田有制而蠶禮未修今天下無事宜修禮以示四海其詳依古典明年施行於是蚕於西郊蓋與藉田對其方也乃使侍中成粲草定其儀先蚕壇高一丈方二丈爲四出陛陛廣五尺在皇后采桑壇東南取列侯妻六人爲蚕母蚕將生告擇吉日后著十二筭步搖衣青衣乘油畫雲母安車駕六驪馬公主三夫人九嬪世婦內外命婦皆步搖衣青從蚕先桑二日蚕官生蚕著薄上桑日皇后未到太祝令質明以一太牢告祠皇后至西郊升壇東南躬桑採三條諸妃公主五條縣鄉君以下九條以授蚕母事訖皇后還便坐設享宴賜絹各有差晉元康議曰皇后採桑壇在蚕宮西南晉閔鴻有親蚕賦左芬文亦既青陽鳴鳩告時躬執桑曲率導媵姬脩成蚕簇分繭理絲女工是祭祭服是治祗奉宗廟永言孝思

晉先蚕儀注

後魏禮志阮謏禮圖載秦漢以來輿服云乘輅后法駕乘之以親桑晉先蚕儀注皇后乘雲母安車駕六

魏阮氏圖桑車亦飾以雲母

宋志晉氏先蚕多采

魏法宋禮志引晉先蚕儀注

通典載晉先蚕注

初學記引梁先蚕儀注

### 宋蚕宮

南史宋大明三年十一月甲子立蚕宮於西郊四年  
又脩此禮倣晉氏之禮立蚕觀

宋書大明四年皇

后率六宮躬桑于西郊皇太后觀禮詔曰卜祥大昕  
測辰拂羽爰詔六宮親蚕川室皇太后降鑾從御佇  
蹕觀禮綠籩既具元統方脩儀發椒闈化動中縣  
北齊為蚕坊蚕宮

子臣

三海卷七十七

隋志周禮王后蚕於北郊漢法於東郊魏遵周禮于  
北郊晉太康六年于西郊依漢故事宋大明四年始  
於臺城西白石里為西蚕設兆域置大殿七間又立  
蚕觀後周制后乘翠輅至蚕所奠先蚕西陵氏神  
自齊周及隋多依晉儀損益

### 唐親蠶

紀正觀元年三月癸巳皇后親蚕會要正觀元年三

內外命婦育顯慶元年三月辛巳皇后親蚕總章二

年三月癸巳皇后親蚕上元元年三月己巳皇后親  
蚕二年三月丁巳天后親蚕祀先蚕於邙山之陽開

親蚕

元元年三月辛巳紀云辛巳皇后親蠶舊皇后親蠶乾元二年三

月己巳皇后親蠶志皇后季春吉巳享先蠶遂以

親桑隋上巳蠶散齋三日于後殿致齋一日于正寢一

日于正殿致齋之日尚服率司仗布侍衛司賓引內

命婦陪位六尚以下各服其服詣後殿奉迎皇后服

細釵禮衣結珮乘輿出自西房華蓋警蹕降就齋室

散齋散齋之日內侍率內命婦之吉者使蠶于蠶室

前享二日大樂令設宮垂之樂於壇南內壇之內女

工各位於垂後右校為採桑壇於壇南二十步所方

三丈高五尺四出陛尚舍置祀帷障於外壇之外設御

王海卷七十七

位於壇之東南西向又設御採桑位於壇上東向享

日司設升設先蠶氏神座於壇上其日六尚以下詣

室奉迎尚服負寶內僕進厭翟車皇后服鞞衣乘輿

以出華蓋侍衛警蹕皇后升車尚功奉鈎司製進箱

載之內命婦及六尚等乘車從駕次大次門外降車

停大次半刻頃出次入自東門至版位樂三成受幣

跪奠於神座已奠乃奉毛血跪奠於神座前皇后復

位復升自壇酌醴齊進先蠶氏神座前奠爵尚儀讀

祝文皇后再拜飲福受胙復位尚功曰禮畢引詣採

桑壇尚功奉金鈎採桑三條止內外命婦以次采至



蠶室尚功以桑授蠶母蠶母切之以授媿好食蠶酒  
一薄止車駕還宮之明日內外命婦設會于正殿如  
元會之儀命曰勞酒 張后傳親蠶苑中群命婦相  
禮儀物甚盛 百官志掖庭局公祭養蠶會其課  
業 會要永徽三年三月七日甲子制以先蠶為中  
祠后不祭則皇帝遣有司享之如先農 祭先蠶樂  
章二奏永和之舞顯慶三年先馬郭瑜撰 先天二  
年三月二十八日辛卯皇后親和先蠶自嗣聖以來  
禮廢至是重行 開元十五月上命宮中育蠶  
丁酉夏至賜貴近絲人一絛 元宗以六宮親蠶絲  
十步

至道卷七十七

賜近臣崔沔獻御絲賦 賦見類會公集 徐彥伯南郊  
賦 率先金薄之蠶謹覆瑤條

通典北齊先蠶壇高五尺方二丈四陛陛各五尺皇  
后蠶壇高四尺方二丈四出陛廣八尺隋置壇於宮  
北三里高四尺唐在長安宮北苑中高四尺周廻三  
十步

至道養蠶經

元年馮翊民李元真獻養蠶經一卷五月十九日甲  
子觀之以不忘本業留書禁中賜錢萬 崇文目  
王蠶經三卷孫氏蠶書二卷

景德祀先蚕壇 政和親蚕無斁殿  
宣和親蚕

景德三年二月十一日一本二日丙申資政殿大學士王欽若言古者皇后親率嬪御以祀先蚕是以開寶通禮郊祀錄並有親蚕祝辭屬之命婦不若歸於有司乃詔自今依先農例遣官攝事三月二十八日太常禮院言按周禮蚕于北郊以純陰也漢蚕于東郊以春桑生也晉蚕于西郊與藉田對其方也伏請約附古事築壇於東郊從桑生之義其壇酌中用北齊之制設一壇二十五步如淳化四年中祠禮例每季春吉日

六十一

三海卷之二

九

有司攝事從之遣官擇地以闡乃飾舊九宮壇為之一本云身先蚕者自唐乾元三年祠於苑中是後曠絕開寶通禮季春吉巳享於公桑有司攝事景德三年二月二十一日資政殿大學士王欽若言切以九年之儲以穀帛為本萬民之業以農桑為先故千畝之祀王者所以勸耕民吉巳之祠王后所以率蚕婦稽往古之制皆合親行從後世之宜亦當攝祭伏見開寶通禮郊祀錄並有親蚕祝詞蓋由中官未嘗親祭是以禮司缺而不舉義纂云后親饗貴妃亞獻昭儀終獻攝事則尚宮初獻尚儀亞獻尚食終獻臣

謂屬之命婦不若歸於有司。按周禮大宗伯后不祭則攝而薦徹。王后之事而宗伯得攝之。農桑衣食萬人不宜獨缺。先蚕之祭皇帝追有司享之。如先農可也。詔禮官詳考攝祭故事以聞。乃請於東郊擇地築壇。取漢制以春桑生之義。壇高五尺方二丈。四出陛。陛廣五尺。一壇祀禮部中祠道太常光祿卿奉祀。祝辭以先農為準。奏可。元豐四年十月詳定禮文所言。唐月令注以先蚕為天駟。按先蚕之義與先農先牧先炊一也。開元禮享先蚕為瘞培於壇之壬地。義羅曰無燔柴之儀。王涇郊祀錄載祝文曰惟神肇興蚕

三月四

三海卷之二十七

仁

織則是始蚕之人明矣。今壇在東郊熙寧祀儀又有燎壇則沿襲唐月令以為天駟誤矣。周禮后蚕北郊以純陰為尊。請為壇北郊以享始蚕之人。不設燎壇瘞埋以祭。從之。大觀四年四月二十八日議禮局言開元禮享先蚕幣以黑。請從黑以合至陰之義。政和元年四月二十一日於壇側度地築公桑蚕室。其親蚕殿名曰無斲。宣和元年二月二十八日皇后親蚕于延福宮。於宮築採桑壇。飾室服用鞠衣。六年

閏三月三日親蚕。

太宗遊金明池召田婦數十人於殿上賜席使坐間

以民間疾苦田婦愚蠶無所隱避賜帛遣之。太宗  
興於側微民事固無不知恐富貴而忘之也。每臨朝  
無一日不言及稼穡。真宗乳母秦國夫人劉氏本  
農家也喜言農事真宗自幼聞之故為開封尹以善  
政著聞及踐大位咸平景德之治為有宋隆平之極。  
景德農日來至今稱為精當。司馬光奏哲宗乞省  
覽農田封事。

### 紹興宮中蠶

紹興二年四月二十四日上謂輔臣曰宮中亦自有  
蠶欲知女工艱難俾每事質儉五年三月甲午上曰

三十四

三海卷七二

一

三

朕令宮中養蠶庶知稼穡艱難七年五月十一日常  
博黃積厚請季春吉巳日享先蠶從之十五年閏十  
一月十八日太常丞王湛請於禁中行親蠶之禮不  
果行。祖宗時於延春閣兩壁畫農家蠶織甚詳元  
符間因改山水。六年六月丁酉諭宰臣鼎曰宮中  
親種一方稻。

女執蠶筐爰永柔桑。儻儻其狀屢化如神。占之  
五泰。繅三盆備六服。海人冰蠶園客絲緒。神  
蠶之木帝女之林。鳴鳩醉榷之朝戴鶯降桑之日。

駕惟就列，驚服斯臨。翠蓋參差，翟扇容裔。荀卿揚泉有蠶賦。

觀稼 務農

禹式耦耕

大戴禮曾子制言篇昔者禹見耕者五耦而式過十室之邑則下為秉德之士存焉亦見荀子大略篇及通鑑亦紀

書禹暨稷播奏庶艱食

論語禹稷躬

稼而有天下

堯命羲仲平秩東作舜咨牧曰食哉惟時

周成王觀農事

三百十八

至海卷三十一

二

三

成王親與后世子出觀農事其詩曰曾孫來止田畯至喜又率主田之吏使民耕作噫嘻之詩曰率時農夫播厥百穀

詩小雅甫田曾孫來止以其婦子饁

彼南畝田畯至喜箋云曾孫謂成王也田畯司耨今之耨夫也成王來止謂出觀農事也親與后世子行使知稼穡之艱難也為農人之在南畝者設饋以勸之

大田曾孫來止云云箋云成王出觀農事饋食

耕者以勸之正義成王出觀農事因即祭祀故云成王之來則又禋祀四方之神祈報焉毛以為成王親循畎畝以觀稼穡也

書周公作無逸知稼穡之艱

觀稼

難注成王所政名篇其逸

曾孫之稼如茨如梁曾孫之庾如坻如京甫田既方

既阜既堅既好大田實穎實粟是獲是畝生民明昭

上帝迄用康年序乃錢鑄奄觀銍艾臣工亦服爾耕

十千為耦噫嘻載芟載柞其耕澤澤千耦其耘徂隰

徂畛播厥百穀實函斯活載穫濟濟有實其積載芟

畎畎良耜俶載南畝獲之桎桎積之粟粟良耜饋

彼南畝田畯至喜上所以勞之也駿發爾私終三十

里言上所以勸之也

治生於敬畏為國者每念稼穡之勞后妃不忘織紉

言是 玉海卷六十一 三

之事則心之不存者寡矣周公告成王見於詩有若

七月皆言農桑之候也見於書有若無逸欲其知稼

穡之艱難知小人之依也

漢文帝勸農詔

文紀二年九月詔親率群臣農以勸之賜田租半十

二年三月詔曰朕親率天下農十年于今吾詔書數

下崇勸民種植其賜租稅半十三年六月詔曰農有

租稅之賦勸農之道未備其除租稅後元年三月詔

議民食力田置常負親耕具禮儀志師丹言孝

文務勸農桑帥以節儉

景帝元年正月詔徙民寬大地五月令田半租後二年四月詔親耕以奉粢盛三年正月令郡國勸農桑禁採黃金珠玉武帝末年悔征伐詔曰方今之務在於力農元鼎六年詔令吏民勉農盡地利宣帝本始四年正月詔農者興德之本

漢劭農

成紀陽朔四年春正月詔曰洪範八政以食為首先帝劭農薄其租稅寵其強力令與孝弟同科間者民彌惰怠鄉本者少趨末者衆將何以矯之方東作時其令二千石勉勸農桑出入阡陌致勞來之阡陌田間道也

三法卷七十一

十四

南北時商鞅所開 阡陌

元紀建昭五年三月詔方春

農桑興是月勞農勸民無使後時武紀元狩三年秋遣謁者勸有水災郡種宿麥董仲舒說武帝詔司農使關中民益種宿麥後紀安帝永初三年七月

庚子詔長吏案行在所皆令種宿麥務盡地力後循吏傳王景建初八年遷廬江太守教用犁耕又訓令蠶織為作法制皆著于鄉亭次充為桂陽教民種殖桑柘麻紵之屬勸令養蠶織履馬融廣成頌宜幸廣成觀宿麥收藏

漢章帝觀收穫

觀稼

紀建初七年秋九月甲戌幸偃師東涉卷津至河內  
詔曰車駕行秋稼觀收穫因涉郡界皆精騎輕行無  
他輜重不得輒脩橋道遠離城郭遣吏逢迎刺探起  
居出入前後以爲煩擾動務省約但不能脫粟瓢飲  
耳崔駟西巡頌曰惟秋穀既登上將省斂平秩西  
成循于西郊昔既春遊今乃秋豫東京賦度秋豫  
以收成觀豐年之多稔嘉田畷之匪懈行致賚于九  
扈東平王蒼傳永平四年春上書曰惟陛下因行  
田野循視稼穡弭節而旋至秋冬乃振威靈整法駕  
備周衛設羽旄

三治卷七十一

南史齊文惠太子幸東田觀穫稻范雲曰願知稼穡  
之艱難無徇一朝之宴逸文選顏延年應詔觀北  
湖田收詩帝暉膺順動清蹕巡廣廡樓觀眺豐穎金  
駕映松山

唐種麥苑中

太子瑛傳帝種麥苑中開元二年夏五月太子諸王侍登

一本曰率太子以下躬自收穫帝曰是將薦宗廟故親之亦欲若等

知稼穡之艱難因分賜侍臣曰春秋書無麥禾古所  
甚重比詔使者闕田畝不以實故朕自蒔以觀其成

開元十九年親耕于興慶宮龍池

親稼



劉禹錫集大和戊申大有年詔百官觀稼詩有玉燭  
順成之句 白居易亦有詩

建隆勸農詔

建隆三年正月甲戌詔曰生民在勤所寶惟穀先王  
明訓也陽和在辰播種資始宜行勸誘廣務耕耘  
乾德二年正月辛巳詔曰農為政本食乃民天今土  
膏將起宜課東作之勤使地無遺利歲有餘糧四年  
閏八月乙亥詔曰百姓能廣植桑棗開荒田者只納  
舊租令佐能勸課種植加一階 興國七年閏十二  
月庚戌詔諸道州府推擇一人練土地之宜明種植

三

三

六

之法補為農師令相視田畝沃瘠五穀所宜至道元  
年六月丁酉詔民耕曠土官吏勸課書印紙十一月  
辛丑詔漕臣申飭 慶曆以賈昌朝領農田

藝祖由建隆至乾德再以尺一之詔勉農功 大  
既耕帝藉命州縣立農師教種藝 章聖分道置使  
賜農田勅令又蠲農器之稅 仁廟明道再藉弁冕  
舉趾進至十有二畦三公已下盡壟乃止 神宗肇  
闢千畝于國之南

周世宗顯德三年留心農穡思廣勸課之道命國工  
刻木為耕夫織婦蠶女之狀於禁中召近臣觀之學

士承旨陶穀為贊以美其事其序曰耕於歷山重華之德也蠶於岐陽太姒之美也我后在宥之四載以為化民成俗者莫如身率乃命有司刻木為耜人耕耘之象又為織婦蠶女之類置於紫庭亦几杖盤盂座右之義也志在足食豈同流馬之運人皆有褐且殊昆明之石同穎八蠶可翹足而望豈比獲玉鈎於山陽空有採桑之號陳金根於鈎盾但為弄田之戲哉贊曰寒耕暑織上感皇情帝悟景轉遲遲欲行宮簾風度札札有聲疲俗是念侈心不萌

乾德北郊觀稼

乾德二年七月二十三日乙未幸北郊觀稼

開寶玉津園觀刈麥 刈禾 觀稻

觀稼

開寶六年五月癸亥幸玉津園觀民刈麥八月丁亥幸觀民刈禾紀云八年四月戊辰幸觀稻九年五月庚辰幸觀稼

太平興國幸景風門觀刈麥

太平興國三年四月二十六日庚辰駕幸景風門駐犖觀刈麥宰臣親王節度使及吳越王劉鋹李煜皆從移幸玉津園召從官射上中的者五張樂飲群臣酒

太平興國南薰門觀稼

太平興國九年五月二日辛亥車駕出南薰門觀稼  
召從臣列坐田中令民刈麥咸賜以錢帛

雍熙城南觀麥

雍熙二年五月二十日甲子上幸城南觀麥賜田夫  
布帛有差上嘗謂近臣曰耕耘之夫最可矜閔

淳化南御莊觀稼

淳化五年二月丙午<sub>二十日</sub>駕幸南御莊觀稼因幸玉  
津園習射張樂賜從官飲 後周顯德元年七月庚

辰出薰風門幸南御莊觀稼

卷七十七

淳化四年五月己亥內出麥穗穀苗以示近臣皆長  
尺餘上以膏澤應期禾稼滋茂喜形于色六月壬戌  
出十種秋稼苗穗示近臣皆長尺餘至二尺

咸平玉津園觀刈麥

觀稼詩見御詩

咸平三年五月丁丑朔幸玉津園觀刈麥賜軍士衣  
服緡錢召從官射於西園之北亭上九中的又宴於

別殿 四年五月壬午幸觀刈麥賜役卒衣服 五

年四月十七日壬辰幸 景德二年五月戊申三年

五月四日乙巳 祥符二年五月庚申幸六年四月

二十五日丙戌作觀稼詩賜近臣 天禧元年五月

己亥<sup>二</sup>二年閏四月庚戌<sup>辛</sup>三年四月二十三日庚戌<sup>辛</sup>作觀稼五言詩羣臣和四年五月丁巳<sup>七</sup>並幸觀麥御製詩賜近臣。會要祥符元年五月庚申朔幸玉津園南新亭觀刈麥先是止設帳殿於園南至是建亭以備遊幸四年五月丁丑<sup>辛</sup>以<sup>南</sup>觀刈麥種稻。慶曆四年五月壬申幸玉津園觀種稻。

咸平含芳園觀稼

咸平四年八月壬子幸含芳園觀稼紀云觀稼北郊宴射含芳園。

景德西郊觀麥

三四十四

景德三年五月乙巳幸西郊觀刈麥祥符三年四月辛未五年五月癸未幸城南觀刈麥遂幸玉津園宴射作七言詩賜近臣和九年五月乙巳幸城南觀刈麥作七言詩從臣皆和。

祥符金華殿觀麥 種麥歌

真宗垂意農政嘗於金華殿種麥玉宸殿蒔稻閑暇觀臨語左右曰見刈獲勞力愈知農耕可念食為民天可不重邪祥符五年五月戊子遣中使以苑中金華殿所種麥示輔臣上復作歌以賜六月辛丑上以諸王所和觀麥歌示輔臣因曰諸王好學朕嘗誨以

觀稼

屬辭用事嘗詢僚佐則免疑誤見實錄真宗遇風雨  
稍甚密遣人擷桑枝禾穗觀之或無傷則喜形于色  
又於內殿植稻麥暇日臨觀刈穫欲知田畝之勞

祥符蠶麥順成詩

七年五月庚戌見御詩

祥符瑞聖園觀稼 觀稼詩

祥符六年八月辛未叶二瑞聖園觀稼在景陽門外

宴從臣作郊外觀稼七言詩近臣皆和八年七月十

九日丙子再幸作觀稼五言詩天禧三年八月六日

庚寅又幸帝作觀稼七言詩近臣皆和凡三幸

祥符玉宸殿占城稻 玉宸殿瑞穀圖

見御詩

祥符六年九月丁酉內出玉宸殿所種占城稻示輔  
臣曰此中國稻長而無芒粒老上曰此稻耐旱不擇  
地頗省民力可喻諸道廣種植之先是祥符五年五  
月辛未一本遣使福建州取占城稻三萬斛分給江  
淮西浙三路轉運仍擇民田之高仰者分給蒔之仍  
出種法揭榜示民是稻即旱稻也上以三路微旱則  
稻不登五年閏十月丙子出玉宸殿新稻賜輔臣上  
曰禁中種稻暇日臨觀刈穫見其勞力愈知耕農可

觀稼

念也并以聖製七言詩示之

又新撰五年十月出玉

臣六年九月丁酉出苑中占城稻示百官天禧二年十月十一日庚子召近臣於玉宸殿觀刈小香占城稻賜宴安福殿上作七言詩從臣和三年四月壬寅御製玉宸殿觀瑞麥七言詩賜近臣十月壬辰召宗室近臣觀西天綠豆小香占城稻上作七言詩三首賜之屬和四年七月辛酉詔近臣觀內苑嘉穀宴玉宸殿十月二十九日丙午詔皇太子宗室近臣於玉宸殿翠芳亭觀稻賜宴仍以稻分賜之

天禧玉宸殿觀麥詩

卷之十一

見御詩

天聖南莊觀刈麥

御莊

天聖三年五月癸巳叶二幸南街莊觀刈麥遂幸玉津園燕群臣聞民舍機杼聲賜織婦茶綵五年五月乙巳九年五月丁巳幸南御莊觀刈麥射玉津園宴群從臣九三臨幸

天聖瑞聖園觀刈穀

觀稼亭燕從臣

天聖三年八月丙寅

叶七

幸瑞聖園觀稼亭觀刈穀

一作遂宴從臣六年八月癸未

叶一

八年八月壬

辰叶一

景祐三年八月壬戌寶元二年八月丁亥康

定二年即慶曆八月丁丑朔慶曆二年八月己亥十二

五年八月四日丁巳皇祐元年八月乙亥叶五凡

九臨幸觀稼

天聖二年九月辛卯幸太一宮還幸奉先資福院上

駐輦觀耕者遣中使尉勞賜以茶綵九年九月癸亥

同

天聖元真殿觀瑞穀 藥珠殿觀稼樂

八年八月六日丁亥元真殿觀瑞穀天章閣觀三聖

御書賜宴藥珠殿宰臣以下賦詩教坊作觀稼樂酒

九行罷

三州卷七十七

景祐觀稼殿觀稻麥

景祐二年五月癸巳後苑新作觀稼殿成會要云六

月辛未幸後苑一本十月八日召近臣後苑觀稼觀

獲稻及賞瑞竹遂宴太清樓又是年十月戊午三年

十月戊申幸後苑寶元二年九月丙辰召輔臣後苑

翠亭觀稻慶曆六年九月乙未召輔臣兩制後苑觀

稻宴太清樓命賦詩皇祐元年八月癸亥後苑觀粟

至和元年七月戊子三年八月二日嘉祐三年八月

壬子又觀五年四月乙未觀刈麥九月壬子觀獲稻

熙寧二年八月二十八日御觀稼殿召輔臣觀粟

御觀

自後凡六臨幸三年五月初六日御觀稼殿召輔臣  
麥自後凡四臨觀四年十月九日後苑觀稻自後  
凡四臨觀地理志景祐二年建殿於後苑以觀種  
稻曰親稼

慶曆玉津園觀種稻

四年四月壬申幸國子監武成廟遂幸玉津園觀種  
稻

皇祐寶岐殿觀麥

皇祐元年五月丙午<sub>日十五</sub>召近臣幸後苑寶岐殿觀  
刈麥謂輔臣曰朕新創此殿不欲植花卉為遊觀之

玉海卷七十七

二二三

三

所民以粒食為先而歲種麥於此庶知穡事之不易  
也至和元年五月乙丑嘉祐四年五月甲午朔觀  
後苑有寶岐殿仁宗遵故事觀稼於郊歲一再  
出又躬耕藉田以勸天下皇祐中作寶岐殿於苑中  
每歲召輔臣觀刈穀麥卒復出郊矣紹興二年四  
月二十四日上曰朕聞祖宗時禁中有打麥殿今於  
後圃令人引水灌畦種之亦欲知稼穡之艱  
月令季春為麥祈實孟夏嘗麥先薦寢廟仲夏祈穀  
實

元豐觀麥視禾儀注



元豐元年五月七日召輔臣後苑觀麥自後凡四  
觀二年八月六日觀穀自後凡再觀十月二日後苑  
觀稻六年十月二日又觀三年十月庚辰藉田令辛  
公祐請於玉津園之南因舊鑿麥殿規地十一頃有  
奇爲田引惠民河水灌之又請增脩鑿麥殿以備行  
幸四年八月八日時九穀皆稔藉田司詳定官制所  
請講觀麥視禾儀注七年五月己亥朔召輔臣觀  
麥于後苑

元祐後苑觀稼 紹聖思文殿

元祐二年十月一日三年八月丁亥七年九月八日

三海卷二十七

召輔臣觀穀稻于後苑 紹聖元年閏四月二十七  
日觀麥于後苑二年五月四日三年五月九日又觀  
四年四月二十一日禮官請觀麥禮畢移幸稻池綵  
殿以觀藝稻二十六日上車駕幸藉田鑿麥儀注五  
月九日將作監言增修鑿麥殿成詔名文思紹興十  
六年正月五日有司上親耕儀注前期設御座於思  
文殿皇帝乘輦至殿

宋祁皇帝幸玉津園省歛頌六氣時乘統以乾元一  
游爲助表乎夏諺王者法順動以省民教闢園游而

寓稼政南直斗城外敞琨苑厲儲胥長揚之禁均郊  
野近蜀之富先時斥宮墻之地以收課穀領勾盾之  
職因爲弄田每丘麥既登原師至喜則必按徐鑿之  
節歛穰之勤因見三老力田差賜百戶束帛供帳留  
飲極歡而罷勤民之郵累聖爲常月惟蕤賓日次東  
井竊扈謹九農之政貽蕤告萬箱之收天子樂由庚  
之得宜間大昕之夙退前除隱推之道右清連籟之  
落官以辨物儲不改供於是洞應門引祕駕短簫銑  
歌沸渭而夾引師兵弩箠隱轉而軍裝風清九九之  
塵雲葦央央之旆天旋辰正以降於行在周原砥平

漢鋪雲荷甸師清野以獻狀畷夫滌場而作勞倬彼  
大田是觀銍艾饒于南畝遂成茨京揉耒以識帝農  
之來棲糧而歌東戶之泰曩也昏作今焉和載美恩  
下屬借雲而族颶氣相因助風之薰散遺秉爲寡婦  
之利豐四駟爲上歲之食皇衿允悅帝暉日潤詔環  
星之法從合需天之宴慈外饗獻彘嘗之膳太師侑  
日舉之奏時令先薦寢廟春秋惟重麥禾上以薦馨  
嘉下以勸耘耔一出而兼二美非聖人其能哉頌曰  
君之來兮吾民休僕如雲兮驂五虬君之樂兮我田  
良積如坻兮豐太倉彼都之人兮宴以喜官扈民兮

無落事自今以始兮日益寧禹躬稼兮莫我京

夏竦廣農頌景德三年春正月庚戌詔頌農田勅于天下二月癸未詔郡國領勸農事崇化源而廣農業也先王之建國也土欲廣而不欲隙民欲衆而不欲墮地不闢非吾土也不農非吾民也乃爲閭里室家以蕃其生爲畎澮封畛以理其田爲耒耜錢鏹以庀其器爲曆象氣候以授其時立經制以御之設官司以教之均工商衡虞之稅正車馬甲兵之賦於是乎仁義禮樂有所加賞罰號令有所用三季已還五代而上有天下者或不知天下以地爲基以農爲本

以食爲源以教爲器當其撥平禍亂經始四國則衽金革簡車馬計懷柔議聚斂賞勲舊治城邑暨邊陲既寧寓縣既平功業既成府庫既盈則思悉華夏以自奉驅億兆以從欲有患邊幅未闢威武未震則事芻粟事夷狄有患歲月易逝容髮易朽則招方士求神仙有患登覽未遠行樂未極則增臺榭麗宮室有患嬪御未廣歌舞未工則漁聲色選伎藝有患校獵未快馳騁未捷則廣苑囿具畢弋有患巡幸未徧游賞乘普則修馳道飛清蹕其間自非負天啓神授之資者聖文靈武之德者則不能訓稼穡務儲衍致天

下太康家給人足者哉。頌曰：皇哉！惟聖躬提天柄，廣  
我農事，肇脩稼政，乃置官名，乃頒號令。民曰：勤止，服  
田力穡，晝爾于耕，宵爾無斁。千耦偕飛，百穀咸殖。既  
藝淳鹵，越經封洫，官曰：涖止。糾力勸能，庠我錢鏹，疏  
我溝塍。沃野萬里，縱橫其畝，擁耒成林。灑沛降雨，陽  
春如膏，原隰如鱗。我稼既華，六合生雲。稻梁黍稷，萬  
井龍文。同我婦子，或耨或耘。八月其穫，乃登爾稼。滯  
穗棲原，餘糧厭野。盈溢京庾，流行方夏。

玉海卷第七十七

玉海卷第七十八

浚儀王應麟伯厚甫

車服

車服制度

周車服制度 周宮室車服制

周書序車服制度明不苟踰作器服周道於焉大備

器服解第七十文多殘缺 食器甔參笙一竽皆素

桃枝素獨蒲簟席皆素斧巾元纁綉縞冠素紕元冠

組武卷組纓象琪纁瑱絺紳帶象玦云云布獨巾元

象元純 周禮大司徒十二教其九曰以度教節則

三卷卷一 三卷卷一 三卷卷一

民知足注度謂宮室車服之制疏謂若典命云上公九

命國家宮室車旗衣服禮儀及侯伯子男以下各依命

數是其制度也 小宗伯掌衣服車旗宮室之賞賜其

視大 典命掌諸侯五儀諸臣五等之命上公九命為

伯國家宮室車旗衣服禮儀皆以九為節侯伯七命其

國家宮室車旗衣服禮儀皆以七為節子男五命其國

家宮室車旗衣服禮儀皆以五為節王之三公八命其

卿六命大夫四命國家宮室車旗衣服禮儀亦如之公

之孤四命其卿三命大夫再命士一命侯伯即大夫士

如之子男之卿再命大夫一命其士不命各祗其命之

數注國家謂城公城方九里宮方九百步侯伯城七里宮七百步子男城五里宮五百步巾車服車五乘孤乘夏篆卿乘夏縵大夫墨車士棧車庶人役車司服公之服自衮冕而下如王之服侯伯服自鷩冕下如公子男自毳冕下如侯伯孤自希冕下如子男卿大夫自玄冕下如孤士之服自皮弁下如大夫大行人上公冕服九章建常九旒樊纓九就貳車九乘侯伯冕服七章建常七旒樊纓七就貳車七乘子男冕服五章建常五旒樊纓五就貳車五乘司約治器之約注謂禮樂車服所得用書舜典車服

三百五十五

玉海卷七十八

二

以庸叟益稷注以爲差觀禮天子賜侯氏以車服注賜車者同姓金路異姓象路服則衮鷩毳周官五服車旗宮室之禁則小宗伯辨之衣服宮室車旗禁令則家宗人掌之宮室衣服禮儀則典命掌之

周車服 周五等車服

月令注凡此車馬衣服皆所取於殷時而有變焉非周制也周禮朝祀戎獵車服各以其事不以四時爲異疏虞夏之制有日月星辰十二章之服周之制朝祀戎獵車服各有殊今此下與周禮不同上與虞夏又異故云取殷時殷乘木路此乘鸞路不純用殷故云

車服制度

而有變焉謂變教而乘虞路也周禮朝則皮弁服祀  
則六冕服戎則韋弁服田獵冠弁服朝乘象路祀乘  
玉戎乘革獵乘木路不以四時為異也

**郊特牲正**

義周武王尚文物車服之屬而得民心周人尚輿是  
也

**宋志**周制五等車服相漢公降王者一等而已

**選注**尚書大傳曰未命為士車不得有飛鈴又曰不  
得朱軒鄭元曰如今窓車

**漢書**先王車服之制各  
有差品小不得僭大賤不得踰貴故上下序民志定

**詩都人士正義書傳**云故者必有命民得乘飾車

駢馬衣文錦周禮疏素唐傳云古之帝王必有命民於其君得命然後得乘飾車駢馬衣文

三海先一七八

### 仲尼車服禮器 魯孔氏車

**孔子世家**太史公曰適魯觀仲尼廟堂車服禮器余

低回不能去世家曰所居堂後世因廟藏孔子衣冠

**東平王傳**章帝建初三年賜蒼及琅邪王

京書今魯國孔氏尚有仲尼車輿冠履明德盛者光

靈遠也注孔子廟在魯曲阜城中伍緝之從西征記

曰魯人藏孔子所乘車廟中是顏路所請者

**地理志**漢晉春秋鍾離意相魯治孔子廟同觀輿服在焉

意別傳曰意出堂有孔子小車乘皆朽敗意治之及  
獲几杖劔履後得獲篋中素書曰護吾履鍾離意又見

### 車服制度

前儒林傳魯諸儒持孔氏之禮器往歸陳王。

漢長吏車服令

景紀中六年五月詔曰吏者民之師也車駕衣服宜稱吏六百石以上皆長吏也或不吏服出入閭里與民無異令長吏二千石車朱兩轡千石至六百石車朱左轡車騎從者不襜其官衣服下吏出入閭巷無吏體者二千石上其官屬三輔舉不如法令者皆上丞相御史請之先是吏多軍力車服尚輕故傳京帝初選豫州牧司直郭欽奏宣行部乘傳去法駕駕一馬舍宿鄉亭為象所非宣坐免 陳遵傳遵

五海文八

為河南太守司直陳崇劾遵乘蕃車入門巷差汗印

鞞西漢之俗樂易有餘節廉不足觀後方術傳謝

夷吾行春乘柴車從兩吏冀州刺史上其儀序矢中者

損國典 班固叙傳 一注 國家不設車旗衣服之禁

後漢志注謝承書曰州別駕從事車前舊有屏星如

刺史車曲翳儀式刺史欲去別駕車屏星孔恂諫曰

毀國舊儀即投傳去

漢天漢輿服制

通典武帝天漢四年始定輿服之制郊祀所乘謂之大駕車千乘騎萬匹其儀甚盛 續輿服志秦并天



下攬其輿服上選以供御次以錫百官景帝中元五年始詔六百石施車轡得銅五末軛有吉陽箒中二千石以上右駢三百石以上阜布蓋千石以上阜繒覆蓋二百石以上白布蓋皆有四維杠衣賈人不得乘馬車除吏赤畫杠餘皆青云注古今注曰武帝天漢四年令諸侯王大國朱輪特虎居前左兕右麋小國朱輪畫特熊居前寢麋居左右又見甘泉鹵簿

晉輿服志

云云

齊輿服志

漢武天漢四年朝諸侯

甘泉宮定輿服制班于天下

成紀永始四年六月

甲午詔曰聖王明禮制以序尊卑異車服以章有德

言

玉海卷一十八

五

五

今公卿列侯親屬近臣車服過制其申敕有司以漸

禁之青綠民所常服且勿止列侯近臣各自省改

平紀元始三年夏奏車服制度

西域傳龜茲王樂

漢衣服制度歸其國治臺作微道周衛出入傳呼撞鍾鼓如漢家儀

漢永平車服制度

車服科品

帝紀明帝永平二年春正月辛未宗祀光武皇帝於明堂帝及公卿列侯始服冠冕衣裳玉佩約履以行事十二年五月丙辰詔曰車服制度恣極耳目田荒不耕游食者衆有司其申明科禁宜於今者宣下郡

車服制度

國高紀八年春三月令爵非公乘以上母得冠劉氏冠

也車童帝建初二年三月辛丑詔曰貴戚近親奢縱無

度今自三公並宜明糾非法其科條制度所宜施行在

事者備為之禁先京師而後諸夏安帝永初元年九

月庚子詔三公申明舊令禁奢侈無作浮巧之物元初

五年七月丙子詔曰舊令制度各有科品欲令百姓務

崇節約而小人嫁娶送禮紛華靡麗至有走卒奴婢被

綺縠著珠璣且復重申以觀後效永元初何敞諫濟南

為科威帝永興二年二月癸卯詔曰其輿服制度有

踰侈長飾者宜皆損省郡縣務存儉約申明舊令如永

四日六十二

平故事東平王傳中興三十餘年四方無虞蒼蒼以天

下化平宜修禮樂乃與公卿共議定南北郊冠冕車服

制度東觀漢記南北郊冠冕車服明德后紀外親美車

服不軌法度者絕屬籍廣平鉅鹿樂成王車騎朴素賜

錢各五百萬中外從化被服如一續志諸車之文乘

輿倚龍伏虎檟文畫軸皇太子諸王倚虎伏鹿轡吉陽

簡朱班輪鹿文飛軫九旂降龍公列侯倚鹿伏熊黑轡

朱班輪鹿文飛軫九旂降龍卿朱兩轡五旂降龍二千

石以下各從科品公列侯以下皆單緣襪制文繡為祭

服皇后以下皆不得服諸古嚴圭繡閨緣加上之服建

武永平禁絕之建初永元又復申重於是世莫有能制其裁者乃遂絕矣志載乘輿至小使車其目十

情佩至后見冕服類其目

**續志注**蔡邕表志曰永平

初詔書下車服制度中宮皇太子親服重繒厚練浣

已復御率下以儉諸侯王以下至於士庶嫁娶被服

各有科品當傳萬世揚光聖德臣以為宜集舊事儀

注本奏以成志也 **表宏漢紀**漢初文學既缺輿服

旗幟一承秦制永平二年正月天子依周官禮記制

度冠冕衣裳珮玉乘輿擬古式矣 **徐廣車服注**曰

漢明帝案古禮備其服章天子郊廟衣阜上絳下前

三幅後四幅衣畫而裳繡

三幅後四幅衣畫而裳繡

漢車服儀

**宋禮志**漢初崇簡不存改作車服之儀多因秦舊至

明帝脩復先典司馬彪輿服志詳之矣魏代唯作指

南車晉立服制令辨定衆儀徐廣車服注略明事目

並行於今 **晉志**漢明帝云云天子車乘冠服從歐

陽氏說公卿以下從大小夏侯氏說

漢輿服志 晉車服儀注

劉昭曰司馬續書八卷車服即依董蔡 **唐志**儀注

類董巴大漢輿服志一卷隋志云徐廣車服雜注一

卷

南史 帝御廣義熙初宋武周遷古今輿服雜事十卷隋

梁 十卷遷蕭子雲古今輿服雜事二十卷此數家皆

後魏禮志太學博士王延業議案周禮王后有五輅

又漢輿服志云太皇太后皇太后皆御金根車阮湛

禮圖并載秦漢以來輿服亦云金根輅皇后法駕乘

之以禮婚見廟乘輅后法駕乘之以親桑安車后小

駕乘之以助祭山輅車后行則乘之紺罽輅車后小

行則乘之入閣輿后出入閣宮中小遊則乘之晉先

蠶儀注皇后乘雲母安車駕六駮案周秦漢晉車輿

儀式互見圖書名號小異略相依擬南齊志蔡邕

四 二海卷六十八

創立此志馬彪勒成漢典蔡邕首著車服志司馬彪

宋禮志引徐廣車服注選東京賦注引漢雜事

徐廣車服志春秋正義引徐廣車服儀制曰漢明

帝復制轂又引董巴志司馬彪志隋禮儀志蔡邕

獨斷論漢制度又引董巴志謂為瑞山車董巴所述

全明漢制又引徐氏輿服注曰通天冠高九寸黑介

幘金博山案徐氏雜注曰古者貴賤皆執笏有事則

書之故常簪聿前五行志行步有佩玉之度登車

有和鸞之節田狩有三驅之制飲食有享獻之禮

唐車輿衣服令 車服法度

志武德四年始著車輿衣服令上得兼下下不得僣  
上凡天子之車五路屬車十乘皇后之車六皇太子  
之車三親王及武職一品有象路二品三品有革路  
四品有木路五品有輅車凡天子之服十四皇后之  
服三皇太子之服六妃服三羣臣之服二十有二命  
婦之服六文宗以四方車服僭奢下詔準儀令品秩  
勲勞爲等級職事官服綠青碧云云至常參官施瓦  
獸楸梁會要武德四年七月十六日定制凡衣服  
之令天子之服十有二等大裘袞鷩黼元冕通天  
冠武弁黑介幘白紗帽平巾幘白帟也又曰武德初

四二二

玉海卷六十二

八

三

著令天子鑿輅五等屬車十乘顯慶元年九月十九

日修禮官無忌等言準武德初撰衣服令乘輿祀天  
地服大裘冕無旒雖憑周禮今請停大裘服袞冕仍  
改禮令案令文黼冕元冕四品五品之服請並服袞  
冕白帟雖著令文不可行請改素服從之正觀十四  
年八月十四日詔曰冠冕制度已備令文開元二十  
六年左相耀卿等奏謹案衣服令皇太子具服有遠  
遊冠絳紗袞上手勅改爲朱明服大和元年五月勅  
衣服器用車乘第室侈儉之制近日頗差宜準儀制  
令六年六月武制度勅條自親王二王後服色至仗

車服制度

衛雜飾節鎮軍裝衣服右僕射七年八月九日勅起

今年十月其衣服輿馬宜準大和六年十月七日勅

如有故違重加黜責冊太子詔比年所頒制度皆約國家令式去其甚者稍謂得中而

立大夫安於習俗因循未革王涯傳文宗惡俗侈靡詔涯懲革

涯條上其制凡衣服室宇使略如古貴戚皆不便議

遂格德宗紀大曆十四年即位六月己亥大赦減

乘輿服御士庶田宅車服踰制者有司為立法度

肅宗上元元年閏四月己卯詔定王公已下車服詳

古制聞奏

### 太平興國車服制度 衣服令

四  
王海卷一八

興國七年正月九日壬寅翰林承旨李昉準詔詳定

車服制度以士庶之家制服昉等言商賈車馬漆素

鞍者勿禁工商庶人聽乘車堯子不得過二人荔支

帶非恩賜者官至三品乃得服品官綠袍舉子白襪

下皆服紫請禁之其私第便服通許服皂從之端拱

二年十一月九日詔曰國家先定車服制度聞士庶

尚有奢僭於是鞍轡服帶幘頭巾子並為條制復禁

沈金真珠服飾景祐三年直昭文館扈稱上言京師

士庶務為華靡第舍服玩僭擬無法宜革僭奢之弊

二月壬戌下兩制與禮院詳定制度八月己酉詔臣

車服制度

庶之家自居室服器車輿鞍勒之制悉裁為今以頒

天下先是詔云輦轂士民服御織華室居宏麗因命

禁嘉祐四年四月辛卯復詔御史監司察舉治

平二年八月詔減定袞冕制度初同知禮院李育奏

開寶通禮及衣服令冕服皆有定法悉無會要所載

寶錦之飾元祐八年四月戊午李之純請嚴立制

度杜奢僭之原詔禮部以條式册示

清廟茅屋大路越席大羹不致粢食不鑿昭其儉也

袞冕黻珽帶裳幅舄衡紘紕緼昭其度也藻率鞞鞞

鞞厲游纓昭其數也火龍黼黻昭其文也五色比象

昭其物也錫鸞和鈴昭其聲也三辰旂旗昭其明也

左傳桓二年臧哀伯云參旗分景帝車含曜所以

榮衛南宮增華北極聖人見鳥獸容貌草木英華始

創衣冠而元黃殊采見秋蓬孤轉杓攜旁建乃作輿

輪而方圓異則晉志殷輅周冕規模不一秦冠漢

佩用舍無常方軫圓蓋以觀法象鏤錫辰旂以昭聲明

寢兕持虎以養其威升龍左轟以副其德鳴珮紉紕

鏘鏘奕奕車服以庸有虞盛典威儀以等周禮舊章

車服製度

車輿

陳祥道曰古者服牛乘馬引重致遠以利天下則車之作尚矣或曰黃帝作軒冕不可考也典通

人皇氏東雲駕六刑或云吳始駕牛古車之制象天

以為蓋象地以為輿象斗以為杠轂象二十八

星以為蓋象日月以為輪輻前軾而後戶前軌

而後軫旁鞞而首以較下軸而銜以鞅對人者

謂之對車如舟者謂之輶揉而相迎者謂之牙

輶之曲中謂之前疾輶之上平謂之衡衡之材

與輿之下木皆曰任以其力任於此也轂之端

玉海卷七十一

與輶之下木皆曰輶以其旁止於此也軫可以

名輿可以名車達常可以名部軫前橫木可以

名輅此又因一材而通名也其為車者有長轂

有短轂有杼輪有倂輪有反揉有仄揉有兩輪

有四輪有有輶有無輻有曲輶有直輶輶曲有

一輶有兩輶有直輿有曲輿輿曲有廣箱有方

箱有重較有單較者或駕馬或駕牛或輓以

人或飾以物或漆或素皆因宜為制稱事為文

然論其任重則同稱為車論其等威則禮有屈

伸名有抑揚也



三皇祇車

蜀志秦宓曰三皇乘祇車出谷口今之斜谷是也注蜀記曰云云未詳宓所由知為斜谷也

黃帝指南車 周司南車

黃帝內傳元女為帝制司南車當其前記里鼓車居其右崔豹古今注輿服第一大駕指南車起黃帝

與蚩尤戰涿鹿之野蚩尤作大霧兵士皆迷於是作指南車以示四方遂禽蚩尤後代常建焉志林外紀

典法一云帝令風

舊說周公所作也周公治致太

平越裳氏重譯來貢白雉一黑雉二使者迷其歸路

玉海卷一百一十八

周公錫以文錦二匹斬車五乘皆為司南之制使越

裳氏載之以南暮年至其國使大夫送至而還亦乘司南而背其所指亦暮年還始制車轄轄皆以鐵還

亦銷盡以屬巾車氏藏之常為先導示服遠人而正四方車法具在尚方故事宋書約司南車周公所

作以送荒外遠使地域平漫迷於東西造此車使常

知南北鬼谷子鄭人取玉載司南之車為其不惑

也文選注韓非子先王立司南以端朝夕注即指

南車

釋名黃帝造車漢地理志黃帝作舟車以濟不通

車輿

黃帝象車 人皇氏祗車

韓子師曠對晉平公曰黃帝合鬼神於泰山之上駕象車六交龍畢方並轄蚩尤並轂風伯進掃雨師灑

道作為清角韓出後漢劉昆傳注曰德上林賦注郭璞引

通典昔人皇氏乘雲駕六羽出谷口或云祗

車也及五龍氏乘龍上下以理古史考云黃帝作車

引重致遠至少昊始駕牛及陶唐氏制彤車乘白馬

有虞氏因彤車而制鑿車夏后氏因鑿車而制鈎車

言不揉自由時有奚仲為夏車正建其旂旒駕馬尊

卑上下各有等級商因鈎車而制大路注昔成湯用

而郊祀有山車之瑞山車亦謂之桑根車辭大見周

因殷路約木而加飾為玉家語山出器車注出銀

瓮丹甌之器及象車後漢志注崔駰頌曰登天靈

之威輅駕太一之象車

堯彤車

史記本紀堯富而不驕貴而不舒黃收純衣彤車堯

德故車乘白馬能用訓德以親九族晉輿服志史

臣曰放勳彤車白馬叶三微之序帝親見輅大戴禮

五帝德堯黃黼黻衣丹車白馬

堯大路

淮南子王術篇堯之有天下也茅茨不翦采椽不斷  
大路不畫大路四馬車也天子越席不緣大羹  
不和粢食不毅豈其奉養不足樂哉舉天下而以為  
社稷非有利焉

虞鸞車 鸞路

明堂位鸞車有虞氏之路也和有鸞也鈎車夏后氏之路

也有曲大路殷路也大路謂之木路也漢祭天乘殷之路

路素疏祭乘路周路也王路疏明魯有四代之車

月令孟春天子居青陽乘鸞馬路駕倉龍鄭注鸞路有

虞氏車有鸞和之節而飾之以青取其名耳 古史

三百六十一 玉海卷七十八

考有虞氏因彤車制鸞車詳見黃帝象車後漢志

注賀循曰車必有鸞而春鸞路者鸞鳳類色青故以

名春路 傳毅車銘曰虞氏作車取象璣衡 呂氏

春秋注鸞鳥在衡和在軾鳴相應和後世不能復致

鑄銅為之飾以黃金因謂之鸞輅 方氏曰鸞車車

之有鈴者必曰鸞取其聲之美也鈎車取其形之曲

舜金車

瑞應圖舜時金車見帝庭 宋符瑞志金車王者至

孝則出象車山之精也德澤流洽則出根車者德及

山陵則出山車山藏之精也不藏金玉山澤通給天

下則山成其車。

舜山車

孝經援神契虞舜德盛故山車出有垂綬山車者白然之物也與象車相似

宋志山車山藏之精也。

禹四載

書予乘四載孔注謂水乘舟陸乘車泥乘輶山乘櫟

澤行尸乘絕山行乘櫟泥行乘輶淮南子注淮南脩務

訓禹沐雨擲風決江疏河乘四載隨山柰木平治水

士史記陸行載車水行載舟泥行蹈橇音山行即

橋徐廣曰橋一作輶漢溝洫志陸行載車水行乘舟泥行

三日一乘毛毳山行則楫正義輿與毳為一叙夏乘四載

百川是導夏鉤車

明堂位鉤車夏后氏之路也注鉤有曲輿者也通與

言不標正義輿則車床曲輿謂曲前闌也虞實未有

鉤矣古史考夏后氏因鸞車而制鉤車詳見黃帝

象車詩六月注夏后氏曰鉤車先正也見或以馬法

兵車為夏余車周輦

周禮小司徒登其鄉之衆寡六畜車輦鄉師大軍

車輿

旅會同正治其徒役與其輦輦注輦駕馬輦人輓行所以載任器止以為蕃營司馬法曰夏后氏謂輦曰余車殷曰胡奴車周曰輜輦輦一斧一斤一鑿一裡一鋤周輦加二版二策又曰夏后氏二十人而輦殷十八人周十五人而輦說者以為夏出師不輦時殷多輦周輦王后五路輦車見後縣師辨人民之

數車輦之稽稍人作其輦輦均人均車輦之力政遂人以歲時登夫家衆寡及其車輦通典夏

氏末代制輦秦為人君之乘漢以彫玉為之傳子夏曰余車云云不知何代去其輪又後漢志注引傳

子曰周曰輜車即輦也宋志引傳宋志輦夏后氏末代所造詩黍苗我任我輦疏輦車人挽以行

左傳公叔文子老矣輦而如公晉語攀輦即利而

舍後漢井丹傳陰就左右進輦丹笑曰吾聞桀駕人車豈此邪後魏志入閭輿與輦其用又同案圖

今之黑漆畫扇輦與周之輦車其形相似荀子天子召諸侯諸侯輦輿就馬注輦謂人輓車

夏車正

左傳定元年正月薛宰曰薛之皇祖奚仲居薛以為夏車正注為禹掌車服大夫淮南子胡曹為衣奚

仲為車注。易曰：黃帝垂衣裳，胡曹黃帝臣也。荀子解蔽篇：奚仲作車，杜作乘馬。注：黃帝已有車服，奚仲亦改制耳。世本曰：相土作乘馬，契孫也。四馬駕車，起於相土，故曰作。以其作乘馬之法，世才以奚仲始作車考斷也。呂氏春秋：胡曹作衣，乘雅作駕，寒哀作御，奚仲作車。

奚仲車

管子：奚仲之車也，方圓曲直皆中規矩鈎繩。山海經：番禺生奚仲，仲生吉光，始以木為車。注：郭璞曰：世本：奚仲造車，此言吉光明其父子共創意。崔駰車

玉海卷七十八

左銘曰：虞夏作車，取象機衡。宋志：庖羲畫八卦而為大輿，奚仲乃夏之車正，安得始造乎。

殷大路 路車 瑞山車

明堂位：見鸞車。注：大路，殷之祭天車也。疏：祭天尚質，

以尊敬。周公故用殷禮，車乘殷路。月令：中央土，天

子居太廟，乘大路，駕黃駟。注：大路，殷路也。如殷路之

制而飾以黃。禮器：大路素而越席，疏：殷猶質，以木

為車，無別雕飾，乘以祭天，謂之大路。郊特牲：大路

繁纓一就。疏：禮器注：天之先路三就，次路五就。禮器：言

也。祭之日，乘素車，貴其質也。注：素車，殷禮也。丹漆雕

幾之美素車之乘尊其樸也。論語顏淵問為邦子

曰垂殷之輅注馬曰殷車曰大輅左傳曰大路越席

昭其儉也集注古者以木為車而已至商而有輅之

名蓋始異其制也其質而得韓非子殷人作為大路

而建九旒。史記孔子曰殷路車為善而色尚白

後漢志殷瑞山車金根之色禮記曰山車垂鉤成湯

用而亦謂之大路齊志殷有瑞車

山車乘鉤是也

### 殷三路

郊特牲疏大路殷祭天車也用以祭天故曰大路五

乘一成曰就天質慤故止一就明堂位云大路殷路

是也先路三就者先路亦殷路也殷則三路其世猶

質故以少飾為先對次故稱先也每加以兩大路一

先路三次路五就禮器無先路之文云次路七就為

誤也。禮器疏次路殷之第三路也共卑用故就多

左傳襄十二年鄭賜子展先路子產次路。宋志

秦閱三代之車獨取殷制古曰桑根車秦曰金根轍

山車之制為大路隋志昔成湯用而郊祀因有山

車之瑞亦謂桑根車。

湯奇肱車

括地圖奇肱民能為車從風遠行湯時西風久可肱

車至於豫州去玉門四萬里選注春秋命曆序人

皇九頭提羽蓋乘雲車出場谷分九河

周五路 齊車 道車 旂車 戎路

革車 田路 乘車 公車政令 良車

服車 車儀 路車

春官巾車下大夫二人掌公車之政令辨其用與旗

物而等級之治其出入注公猶官也用謂祀之實封同

至異張姓之皆與於公為氏曰五路王之五路路王若路門

大也寤王路之所在以皆稱路一曰玉路錫樊纓十有再

就建大常十有二旂以祀注五路以五飾之并謂鑊

錫樊馬大帶也纓馬鞅玉路之於末頭皆飾之以五采

一就為金路鈎樊纓九就建大旂以賓同姓以封注

金飾諸末鈎纓領之鈎也金路無錫有鈎亦以金象

路朱樊纓七就建大赤以朝異姓以封注未象路無鈎

以朱飾以勒而朝革路龍勒條纓五就建大白以即戎

以封四衛注鞞之革而雜色為勒條纓為龍也木路

前讀為樊鵠纓建大麾以田以封蕃國注不鞞已前

黑也木路無龍勒以革路同杜子春為樊鵠色而結

王等之諸侯乘至館則舍之於館及朝禮記云皆備駕不入朝



王門乘墨車龍旂以朝同姓金路賜無王后之五路見

錫韓侯受賜得龍旂以朝錫者有功持賜卿乘夏縵

後服車五乘之服事者孤乘夏篆五采畫

畫無大夫乘墨車不士乘棧車而漆之靛庶人乘役車

乘墨車攝盛也器以共役既冬官棧車欲奔云古之帝王

必注有命飾漆於其君得命然後得乘飾車馬云役車

凡良車散車不在等者其用無常之賜給遊燕及恩惠

會之典路中士二人掌王及后之五路辨其名物

與其用說若有大祭祀則出路贊駕說大賓客亦如

之凡會同軍旅以路從從行亦因以革國路疏以其餘路

會及弔乘金路兵車之會及平旅乘革路王出車

僕掌戎路之萃軍所乘也疏曰戎路王在凡師共革車

各以其萃會同亦如之戎路乘車及兵車之會王雖乘金路

猶共以心司常道車載旒朝夕燕出入以旌車載

旌戎路建大常焉王以駟大路王乘凡祭祀各建其旗

注王祭祀之車則王路疏朝所以行樂之所故夏官司

盾軍旅會同授貳車戈盾建乘車之戈盾注乘車也

會同則鉞路戎右掌戎車之兵革使會同充革車注

者參乘此充戎車之右田獵亦為之右會同王雖乘金

路猶以革路從行也充謂居左曲禮曰乘君之乘車不

取曠齊右掌祭祀會同賓客前齊車王乘則持馬

行則陪乘注充五路也齊右與齊之右同齊車而金路王自整齊

則兼三玉路易氏曰然則我右兼田右與疏王路有五路

唯寶則敬承神也先道右之充象路掌前道車王出入

則持馬陪乘如齊車之儀注行道車象路也自車上諭

命于從車即貳車詔王之車儀王式則下前馬王下

則以蓋從注車儀顧式之屬疏禮易氏曰謂之顧車

司右掌群右之政令注道右我齊太僕王出入則自

左馭而前驅大馭中大夫二人掌馭玉路以祀易

王為王路不言僕者祀為國之大事及犯較曰行王自

左馭馭下祝登受轡犯較遂驅之凡馭路行以肆夏

趨以采薺注九馭路謂五路也行謂大寢至路門趨

凡馭路儀以鸞和為節注和在軾皆以金為鸞在衡戎

僕掌馭戎車也華路掌王倅車之政正其服倅副也疏

齊僕注古者王將朝覲會同必掌馭金路以賓朝

覲宗遇饗食皆乘金路其灋儀各以其等為車送逆

之節道僕掌馭象路以朝夕燕出入其灋儀如齊

車掌貳車之政令注王朝朝莫夕之道御王以與田

僕掌馭田路以田以鄙掌佐車之政注亦田路木路也

車與

田

車與

尊故戎車田車之副曰佐

設驅逆之車注云朝祀之副曰武戎備之副曰佐馭夫掌

馭貳車象路副從車戎路副使車玉路副馭金路之車副馭

校人辨六馬之屬注云玉路駕齊馬象戎路駕道馬

善馬駕五路之良馬旅賁氏夾王車而趨車止則持輪

考工記周人上輿兵車之輪六尺有六寸也革路田

車之輪六尺有三寸也木路乘車之輪六尺有六寸鉅

象馬路也此有六寸之小輪兵車乘車駕國馬加車與

象次輅注云木贊路月令孟秋乘戎路制如周車也

詩采芣彼路斯何君子之車箋謂將率孫

采芣路車有奭籟芘魚服鈎膺

韓奕其贈維何乘馬路

韓奕其贈維何乘馬路

錫韓侯淑旂綏章簟芘錯衡鈎膺

錫韓侯淑旂綏章簟芘錯衡鈎膺

禮保傅篇古之為路車也蓋圓以象天二十八棟以

象列星軫方以象地三十輻以象月左傳桓二年

大路越席疏巾車五路玉路故杜中以玉茵藉示

其儉也有服也大路纓十有二就金路纓九就是纓

國語周秩官曰工人展車曲禮武車綏旌

車輿

車路也取其威儀云武車云德車結旌不用五金象木四路

禮運天子以德為車以樂為御宋志周五路之

飾備於考工記輿方法地蓋負象天輻以象日月二

十八弓以象列宿後漢志注釋名曰天子所乘曰

路言行路也服虔曰大路尊卑俱乘采飾有差傳元

乘輿馬賦注玉路重較也

周車六等 漢定張車

考工記周人上輿注武王疾上下失一器而工聚者

車為多注周所車有六等之數法易三車軫四尺謂

之一等戈秘六尺有六寸既建而也崇於軫四尺謂

之二等

人長八尺崇於戈四尺謂之三等

戈長尋有

四尺崇於人四尺謂之四等車戟常崇於戈四尺謂

之五等酋矛常有四尺崇於戟四尺謂之六等注此

兵車也疏此六等軫一人一之察車自輪始攻木之

與車居其折而三又於三者之中輿人居其一輪人折而

輪人為輪三材具轂輻牙巧者和之可規可

萬可水垂量權也謂之國工為蓋蓋崇十尺蓋主為

車無蓋禮所謂輿人為車輪崇車廣衡長參如一

謂之參稱隱式較軫軹棧車欲弁無革鞞飾車欲

侈大傳云以上命為士者疏革不得乘飾車鞞鞞飾車欲

五車梁也。詩：輶有七。度軸有三。理國馬輶深四尺。有七

寸。田馬輶深四尺。駑馬輶深三尺。有三寸。軸一以為

媿。二以為久。三以為利。良輶環漚。自伏兔不至。軌七

寸。軌中有漚。謂之國輶。軫方以象地。蓋圓以象天。輪

輻三十象日月。蓋弓二十八象星。大車之轅。摯注：大車也。疏：輪人輿。極造。四馬車。是駕牛者。廬人為廬器。

六建既備。車不及覆。謂之國工。注：兵與人也。車人之

事。為耒為車。行澤短轂。則利。行山長轂。則安。拍車轂

長一柯。圍二柯。輻一柯。拍車圍二輪。擣六。大車崇三

可。綆寸。大車轂長半。拍車二柯。有參分打之一。注：長

漢去今遠。未定。張車較長七尺。所用。但知在宮內。所用。故論語謂為之。謂之羊車耳。此羊車較長七尺。則大矣。而論語謂為之。謂之羊車耳。此羊車較長七尺。則大矣。短轂輻牙。則長。羊車較雖大。車牛轂輻牙。則小。駟馬車。

續漢志：上古聖人見轉蓬。始知為輪。輪行可載。復為輿。後聖觀於天。視斗周旋。魁方利曲。以攜龍角。為帝

車。於是乃曲其輶。故易震乘乾。謂之大壯。言器莫有

上之者也。易氏曰：詩伯也。執爿為王前驅。鄭氏引

此文箋之。則車之六等。為前驅所建。可知其兵有四

戈。秘既建而迪。止戈為武之義。爿車戟酋。皆置之

車傍。備而不用之。義觀兵車之制。先王不急於用兵

車輿

可推矣。又曰：考工言六等，而後言察車。廬人言六建，而後言試廬，其實一也。

周王后五路自翟至輦 安車

禮巾車。王后之五路，重翟錫面朱總。重翟，雉羽也。後疏約王之五路，則重翟當玉路。馬氏等云：重翟為厭。今之羽蓋是也。鄭云：蔽也。王后始來乘重翟。

翟勒面績總。注：次其羽使相迫也。後詩從王賓饗諸侯，翟安車彫面鷺總，皆有容蓋。坐注：乘詩碩人曰：婦人翟蔽以

謂蓋厭翟也。安車無蔽，後朝或曰：潼容蓋如乘。今謂去飾也。故曲禮婦人禮不立夫致事，若路皆坐，乘安車無異稱。

安車則男子坐乘，列共謂安車。后喻闕必乘，容輦車。故曲禮得名，曲禮不立夫致事，若路皆坐，乘安車無異稱。

三海

一六

八六

翟耳貝面組總有握。注：不重不。以翟飾者之則，故無蓋。疏：漢法，軒車無蓋。輦車組輓有髮羽蓋。注：飾

之居宮中，從容所乘，但漆之而已。蓋為輦輪，日輓。後疏：行有髮以禦風塵，以翟作小蓋為輦輪，日輓。

路掌王及后之五路，辨名物用說。

周貳車

禮大行人：上公之禮貳車九乘，諸侯七乘，諸伯如諸

侯之禮，諸子五乘，諸男如諸子之禮。注：貳，副也。疏：貳

車所飾無文。左傳：晉七輿，大夫注：侯伯七命，副車

七乘，每車有一大夫主之。詩正義：鄭箴膏肓云：卿

以上所乘車皆曰大路。輿人疏：天子與其臣乘重

較之車諸侯之車不重較

周輜車見一

周乘路

明堂位乘路周路也注玉路疏周王禮故用玉

周五時路

晉輿服志

周禮巾車氏

云云

有巖有翼用光其武鈎

齊條革乃暢其文六服之冕五時之路王之常制各有等差一月令春乘鸞路駕蒼龍載青旂夏乘朱路

駕赤駟載赤旂中央乘大路駕黃駟載黃旂秋乘戎

冬乘白駟載白旂冬乘玄路馬駟載玄

伯

公旅調

周大路二路

漢武問賢良策周室設兩觀乘大路朱干玉戚八佾

陳於庭而頌聲興

公羊傳

子家駒曰乘大路天子

之禮也注禮天子大路諸侯路車大夫大車士飾車

荀子禮論天子大路越席以養體側載翠芷以養

車前有錯衡以養目和鸞之聲步中象武趨中韶護

以養耳龍旗九旂以養信寢兕持虎蛟韞絲帟彌龍

以養威

正論天子尊無上衣被則服五采雜間色

文繡飾珠玉食飲則重大牢而備珍恠曼而饋代

車輿

畢而食雍而徹五祀執薦者百人侍西房居則設張

容員依而坐諸侯趨走乎堂下乘大路越席以養

侯編後大夫次之小侯元士次之庶士介而坐道庶

人莫敢望視居如大神動如天帝左傳桓二年大

越席疏路大也君之所在以人為君之車通曰路門

王命晉侯為侯伯賜之大韜之服注大路襄十九

年鄭公孫薑卒爵王追賜之大路四叔

如周聘王賜大路入子所賜

子孫受命聘于王王賜之大路復命致之君君復

賜之使三官書之十五年十二月晉荀躒如周王曰

叔父唐叔成王之母弟也密湏之鼓與其大路文所

以大蒐也闕鞏之甲武所以克商也唐叔受之處參

虛以有戎狄其後襄之二路大路戎路鉞鉞鉞形

弓虎賁文公受之以有南陽撫征東夏非分而何定

四年祝佗曰成王分魯公康叔唐叔以大路注金路

諸侯齊語天子致胙于桓公賞服大路龍旂九旒

渠門赤旂注賈侍中云大路諸隋志白武通云玉

卓與

卓與

卓與

卓與



輅大輅也。晉摯虞獨疑大輅謂非玉輅。周謂之乘輅。大戴禮著其形式。上蓋如規象天。二十八椽象列星。下方輿象地。三十輻象一月。前視則覩鸞和之聲。側觀則覩四時之運。宋志禮所謂金玉路者。正以金玉飾諸末耳。左右前後同。以漆畫素。改周輅制為金根。通以金薄。周匝四面。漢魏二晉因循。莫改。逮乎大明始備五輅。金玉二制。並類金根。 覲禮注。朝事儀曰。天子冕而執鎮圭。尺有二寸。繅藉尺有二寸。摺大圭。乘大路。建大常。十有二旒。樊纓十有二就。貳車十有二乘。帥諸位。朝日於東郊。以養尊。 三十一

封諸侯

周乘石

禮夏官隸僕。下士二人。王行洗乘石。鄭司農曰。王登上車之石也。詩有扁斯石。履之卑兮。疏乘車之得履石。唯王為然。登五路之石。王行也。 淮南子。周公履石。 石。王起。有嚴。以敬。成。洗。列。周。經。履。合。周。雅。更。 選注。尸子曰。周公旦踐東宮履乘石。

參乘

夏官戎右注。古者參乘此充戎路之右。田獵亦為之。古焉。疏若在軍為元帥。則將居鼓下。將在中。御者在

左若凡平兵車則射者在左，御者居中央，若在於國則尊者左，御者在中央，其右是勇力之士，執干戈常左右，右戎右兼田，右齊右兼祀，右僕有五，不兼者僕難於右，是以六藝之中有五御而不言右。曲禮：乘君之乘車，疏謂君之次路也。王者五路，王自乘一，所餘四路皆從行。

周常車

周書克殷解第三十六及期，百夫荷素質之旗于王前，叔振奏拜，倣又陳常車。周公把大戣，右公把小戣，又次工，泰顛，皆執輕弓以矣。工。

左羣

左羣，孔疏：公如左，上。

和振鐸奉陳常車。

周指南車

鬼谷子：肅謹氏獻白雉於文王，還恐迷路，問周公作指南車以送之。又見黃帝指南車。

周器車

子華子：吾之宗君為周，日正，周公作成，周定鼎於郊，鄔吾之宗君薦所以為祥者，其族有三，曰井里之璞也，曰太山之器車也，曰唐叔異畝之禾也。禮運：山出器車，注：器謂若銀甕、丹甕也。正義：按禮緯斗

威儀其政太平。山車垂鉤。注云：山車自然之車，垂鉤不揉治而自圓曲。家語注也。孝經援神契：德至山則

山出木根車，應載萬物。金車者，王者德至山則山出。

魯大路 魯四代車

**明堂位**：魯君孟春乘大路，載弧韜，旂十有二流，日月之章，祀帝于郊，配以后稷，天子之禮也。正義：此一

明魯有四代之車。見上。**左傳**：成二年公會晉師于

上鄆，魯賜三帥先路之服。疏按：釋例先路者，革路若

木路，或云先，或云次，蓋以就數為差。其之於王制

稱之，革木是卿。八車之尊者，山路。

三百三十五

百五路一車 者皆系

仲尼韋輿 魯孔丘車 詳下

見車服制度

玉海卷第七十八





